



圓丁ê話: Lím Chùn-iók
 TGB 網路ê phoe
 台灣白話字ê第一

Ták-ke hó:
 Tú teh siá chit phiⁿ bûn-chiuⁿ, siūⁿ beh liát chhut-lâi
 chit-kóa POJ Tê-it ah-sī khah tēk-sū ê só-chāi, chhiáⁿ
 ták-ke pó-chhiong chit-ê, Lô-lát.

白話字有百外冬ê歷史, 初初看起來kài-seng kah語言現代化無關係。M-koh若對台灣歷史ê角度來看, tiòh ē-tàng看出白話字是台語文現代化ê火車頭。伊有真chē第一: 台灣第一份報紙使用ê文字、台灣第一個盲人點字系統ê文字、台灣第一本用羅馬字注解ê漢文教科書、台語第一本中篇小說使用ê文字、bat hō國民黨政府查禁, 受宗教迫害ê文字、第一本台語醫學教科書使用ê文字、台語第一個電腦輸入法使用ê文字, 第一個t網路流傳ê台語百科全書使用ê文字http://zh-min-nan.wikipedia.org/wiki, 第一個hō國際標準組織(ISO)承認萬國碼(Unicode)ê台灣羅馬字.....Hak-khiam

Kóng Pòh“Pèh-ōe-jī bō pit-iàu”, chiū-sī kóng “Tâi-ân òe bō pit-iàu. In-ūi Pèh-ōe-jī kap Tâi-ân sī bōe thang pun-lī-tit--e.? 講「白話字無必要」, 就是講「台灣話無必要」。因為白話字 kap 台灣是 bōe-thang 分離得ê。(Chiā Keng, Tâi-ân Kàu-Hōe Kong-Pò, 1949.10, no. 730.p3.)

台灣鄉土長篇小說連載(26)

鄉史補記 (三)

陳雷

賴蔥去問叔公, 段地讀 he 鹿皮, 倒旁 hit kòeh橫橫一 chōa 一 chōa, 烏烏密密ê字, 正旁 hit kòeh 直直一 chōa 一 chōa, tòh 是漢字。段地講: 「這地契 --lah。」 「地契是啥麼?」 「咱古早地 hō 人 ê 時講ê話。」 「地 hō 人 ê 時講啥話?」 段地想想--leh, 一晷久 chiah 講: 「這阮阿公、阿媽以前 ê 人 chiah 知影。」

Koh 等十外工, hit-ê 賣雜細ê來, 賴蔥 thèh 地契去問 --伊: 「這字 teh 講啥?」 chit-ê 陳食來加根砂賣雜細已經十外冬, 搖頭講: 「我 m̄-bat 字。」 賴蔥問: 「啥人 bat 字?」 「阮 hia kan-na 教義學ê先生 bat 字。」 賴蔥講: 「你 chhōa 我來去見先生。」

一路 kā 伊 tâu sak 車, kap 陳食來到北頭洋, 已經暗 --a。經過廟口, 一堆人 teh 看鬧熱。一個少年家 thng-pak-theh, 雙手 moh 一粒半人 kōan ê 石墩, “hat” -- 下一聲, 大力 khian--出去。He 石墩飛出去七、八尺遠, siak tī 土腳, tng 一個窟半尺深。眾人 hoah: 「勇漢! 勇漢!」 koh 來一個大漢, 差不多六尺 kōan, mā 是 thng-pak-theh, 頭髮綁一條烏巾, 胸前刺一隻水牛, 石墩 moh--leh, 雙腳 khuh 腳馬, hoah 一聲: 「去」, 成(chiā)實 he 石墩 hāi 出去一丈外, siang tī 土腳, tng 一窟成尺深。眾人歡喜, hoah: 「大勇漢! 大勇漢!」 賴蔥問: 「chit-ê 啥人?」 陳食應: 「濕汪上勇漢洪牛蹄!」 賴蔥講: 「你 chia 小等。」 chōng--leh 跳--出去。學勇漢雙腳 khut--落, 雙手 moh 石墩, 那 moh 會贏? 眾人 hi-hi-hā-hā 笑。賴蔥雙手來 giá, “hat” -- 下一聲, soah 石墩 thè kōan-- 起來, 眾人面前 sèh 一 lián, hoah 一聲「去」, he 石墩 ná poáh 桶 siang-- 出去, 對 cheng-tiòh 遠遠一儂龍眼樹, phi-phi-phiak-

人叫你摩西
 你 chhōa 台灣人出埃及
 無koh 做人ê 奴隸
 摩西 chhōa 伊ê 人民
 到無毛無禿ê 曠野
 你 chhōa 阮到青翠ê 草埔
 流蜜流奶ê 迦南地
 流民主ê 蜜
 流自由ê 奶
 年老ê 摩西變做一個
 約書亞少年家

少年家ê 你
 Bat 有激進ê 性格
 為追求理想ê 社會
 險險陷落白色漩渦底
 驚惶過轉身
 你隨屈落身段
 隱忍做一位忍者
 Kā 真正ê 面貌包 leh
 覆面ê 武士
 藏身敵營那嗽腳蝦
 照 in ê 標語大漢
 照 in ê 口號成長
 有一工, 竟然成做 in ê 領袖

以前每一遍生日
 你 kā 武士刀
 修 kah 細細細
 你 tòe in ê 嘴唱歌
 雞卵糕照 in 意思
 切做一蕊一蕊ê 梅花
 一方面 kā hiah 大 sng ê 雞卵糕

phiak, li-li-lāk-lāk, kui 樺樹á 倒倒--落去。Chōng óa 去看, he 樹頭脚桶 hiah 粗, 折(chih)作二 kòeh, 半粒石墩 tã tī 土--裡, ná sak 會 tin 動。一 kā 量, tú-tú 好二丈遠, 眾人 hoah: 「上勇漢! 上勇漢!」

當 teh 鬧熱, 有人問: 「雞母 òe, chit-ê 是 tó 位來--ê?」 賴蔥 òat 頭 beh 行, 雄雄一枝大柱(thiāu) 遮 tī 面前, 擋伊ê路, m̄ hō 伊行。Giáh 頭一看, tòh 是 hit-ê 六尺大漢, 胸前一隻牛, 一個面 ná 鼎 hiah 大ê, 烏 niau pih-pá, 雙旁二 chōa 刺青, 按鼻頭到耳á邊。He 大漢雙手來 sa 賴蔥, 一粒柚 á 大ê 拳頭母 gim--leh tòh cheng。

Chit 時有人 hoah: 「牛蹄停手!」 一個 cha-po 人 30 thong 歲, 穿一領長 liáu, 留一支辮, 戴一頂碗公帽, tám 一個頭彎腰 tòh 拜, 講: 「勇漢失禮!」 Giáh 頭一 kā 看, ta 害 --a, chit-ê 勇漢矮矮五尺 kōan, 雙手 ná 鐵扒, 雙腳 ná 石柱, 二個腳 pò 像紅龜裸 hiah 大模, 穿一領桶裙, tī 一條頭巾, 原來是一個 cha-bó--ê! 大驚一 tiò, koh 拜一下, 講: 「請問貴姓大名?」 陳食 tī 一邊 kā 賴蔥講: 「chit-ê tòh 是阮北頭洋ê 義學á先生。」 賴蔥緊講: 「我叫賴蔥。一路專工來請教先生。」 (待續)

武士約書亞傳奇

李勤岸 Li Khîn-hōaⁿ

賀李登輝八十四歲生日

秋海棠形狀ê 雞卵糕
 慢慢仔切, 勻勻仔切
 切做一條蕃薯仔形

忽然間, 有人發現雞卵糕
 無koh 親像以前 phòng-phòng-phòng
 親像慣習ê 幻想 phòng-phòng-phòng
 親像彭風ê 虛假 phòng-phòng-phòng
 你已經 kā 彼塊 hám 古ê 假相
 切 kah chhun 實實在在ê 一塊土地

忽然間, 猶未唱了ê 生日歌
 Soah 變調去
 Soah 變面, 掀開你ê 覆面

看著一位鼻斗鼻斗
 漂撇 lan-tàu
 武功蓋世ê 約書亞少年家
 彼支細細支ê 刀仔仔
 Mā 堂堂現出伊ê 英姿
 你手中 giáh ê, 原來是一支
 台灣精神
 吞 lún、縮小為 tiòh 出頭天
 為 tiòh 有一日
 有一日 beh 出頭天ê
 台灣精神

(李勤岸 2005/1/6 寫 tī 台灣師範大學台灣文化及語言文學研究所)



李登輝84歲生日宴 弄阿輝布袋戲

〈荒漢甘泉台語詩〉(3)

Chit ki chháu, chit tiám lō, Thiⁿ bō chòat lāng ê lō

一枝草, 一點露, 天無絕人ê路

Bô-it-tēng siōng-siōng tī chhiⁿ-chhui ê chháu-tiūⁿ,
 無一定常常 tī 青翠ê 草場,
 I chai I ê lóng-chóng ê iūⁿ,
 伊知伊 ê lóng 總ê 羊,
 Êng chū-ài chhōa in kè gūi-hiám ê lō-chiūⁿ,
 用慈愛 chhōa in 過危險ê 路上,
 O-àm tiong khan tī I ê chhiū-chiūⁿ.
 烏暗中牽 tī 伊ê 手掌。

Bô-lūn sī tī hó-thiⁿ ê soaⁿ-tēng,
 無論是 tī 好天ê 山頂,
 Á-sī tī bō-jit-thâu ê soaⁿ-kok, lō-kèng,
 Á 是 tī 無日頭ê 山谷、路徑,
 O-hùn, im-iaⁿ tēng-tēng,
 烏雲、陰影重重,
 Ū I ê tông-chāi, hòng-sim an-lēng.
 有伊ê 同在, 放心安寧。

【笑話學台語】

什麼 Lóng 是假ê

網路笑話 許隼夫 Kó Chún-hu 翻譯

Tī 中國什麼 lóng 是假ê, 只有欺騙是真ê。
 有一個田莊人開真 chē 錢去買幾 nā 包種子, 種落去田 nih, 一兩個月日了後, kui 區田 lóng bōe 發ⁿ 出芽, 因為種子是假ê。
 伊氣 kah beh 起狂, 去買一罐農藥欵落去, 想 beh 自殺。一家人真憂傷, 但是結局無死, 因為農藥也是假ê。
 因為伊死無去, 全家真歡喜, 就去買一瓶酒來大家飲, 歡喜來慶祝。結果全家 lóng 死了了, 因為酒 mā 是假ê。
 朋友 ah, 買中國貨或是 kap 中國人做 seng-lí, lán 愛真小心 oh!

台語五言詩

Han-chî khòaⁿ thiⁿ chai


蕃薯看天栽

顏敏政 Gân Bîn-chèng

Han-chî khòaⁿ thiⁿ chai,
 蕃薯看天栽,
 Tsunami thian chai,
 Chu-ná-mih 天災,
 Ūn-miā bō lāng chai,
 運命無人知,
 Khòaⁿ khui chhiáh chheng chai!
 看開食清齋!

看阿仁漫畫學台語

siáⁿ-lāng kóng góa bōe-hiáu khà tiān-òe?



漫畫 陳義仁

góa ták pái lóng mā ē-tàng
 khà khì kāng chit-ê só-chāi,
 kāng chit-ê a-ī chiap tiān-òe.
 tóe-pú·chhi·nín·sūo'·puo'
 toh·tién·hóa·háu·mā·sián.
 cháai·sú·khong·háu·chūng·chhá...
 ká kī-koài. ũ bō?

陳文成教授紀念基金會

各位同鄉:

陳文成教授紀念基金會自一九八一年成立以來, 在熱愛台灣, 關心陳文成事件的同鄉支持下, 一直不餘遺力的為台灣的民主, 人權在打拼。二十外年來, 本基金會每年在美國和台灣頒發五至七名的獎學金, 一方面肯定得獎學生們的努力和成就, 一方面也鼓舞了更多的台灣學子來關心台灣。二十外年來, 本基金會曾發行《台灣文化》雜誌, 舉辦週年紀念會, 贊助台灣人作家寫作, 邀請台灣作家, 文化工作者訪美, 舉辦紀念音樂會, 舉辦台灣藝術花展, 協辦二二八劇展《未完成的夢》及各式各樣的文化及政治活動。並長期支持《台灣公報》(Taiwan Communique, http://taiwandc.org), 《台灣學生》(台灣學生社 Taiwanese Collegian, http://tc.fomosa.org) 和 ITASA (http://itasa.org)。
 近年起我們除了固定的獎學金外, 更在陳文成生前執教的 Carnegie Mellon University 設立一個紀念陳文成的獎學金。自2001年起島內的台美文化交流基金會也在我們美國的同鄉鼓勵下獲得正名為陳文成教授紀念基金會。

本基金會地址: Dr. Mark R. L. Kao, CWCMF P. O. Box 6223, Lawrenceville, N.J. 08648

台語文專刊

蕃薯園

(87)

請踴躍投稿 e-mail: chuniook@jomaii.com

